

# NG GEMEENTE STEYNSBURG

## VAKATURE LERAARSPOS

Aansoeke word ingewag vir die leraarspos by die NG gemeente van Steynsburg vir 'n termyn van drie jaar. Sou omstandighede dit toelaat, kan die termyn verleng word.

### **Profiel**

Steynsburg is in die Noordoos-Kaap geleë, tussen 70 en 120 km vanaf Cradock, Middelburg, Burgersdorp en Aliwal Noord. Die gemeente bestaan uit 97 belydende en 20 dooplidmate en vier in 2024 sy 150ste bestaansjaar. Ons het ook 'n tuiste vir bejaardes met sowat 60 inwoners van verskillende denominasies.

Ons is 'n stabiele landbougemeenskap, hoofsaaklik veeboerdery, maar danksy die Oranje-Visrivierskema ook besproeiingsboerdery. Die naaste goeie skole is te Cradock, Burgersdorp en Middelburg. Groot sentra soos Port Elizabeth, Oos-Londen en Bloemfontein is 300 tot 350 km ver.

### **Leraarsprofiel**

Hoewel slegs die leraar in ons diens is, moet die leraar en sy/haar gade kan aanpas by ons gemeente en ook die breër gemeenskap, wat bestaan uit lidmate van susterskerke en die Engelse kerke wat by ons aansluiting vind. Ons streef dus om 'n Gemeenskapskerk binne die bedieningsraamwerk van die NG Kerk te wees.

Die leraar is 'n dinamiese persoon met goeie menseverhoudings. Inspirerende verkondiging vir oud en jonk is belangrik. Hy/sy moet bereid wees om betrokke te raak by fondsinsamelingsprojekte en gemeenskapsorganisasies, soos die plaaslike Landbouvereniging, om sodoende die mense van Steynsburg te leer ken. Die leraar en sy/haar gade moet liefde uitstraal en kan aanpas en lief wees vir die platteland.

### **Spesifieke pligte**

- Goeie en getroue Woordverkondiging en sakramentsbediening
- Weeklikse biduur by ons tuiste vir bejaardes en pastorale versorging van bejaardes saam met die aangewese kerkraadslid
- Wyksbyeenkomste in ons 4 wyke, in vennootskap met die kerkraadslede
- Pastorale versorging
- Uitreik na buitelanders en kerkvervreemde persone
- Inskakeling van jongmense

### **Vergoeding**

'n Basiese vergoeding van R360 000 per jaar, plus gratis behuising en 'n vervoertoelaag of die beskikbaarstelling van 'n voertuig om kerklike take te verrig. Die besonderhede van die

vergoedingspakket, sowel as die jaarlikse verlof, sal met die suksesvolle kandidaat onderhandel word.

### **Aansoeke**

Stuur asb. vir ons 'n CV van nie meer as drie bladsye, wat u persoonlike profiel en besonderhede van vorige ondervinding, asook die kontakbesonderhede van minstens 3 referente insluit. U moet ook beskikbaar wees vir 'n onderhoud en preekbeurt/e.

Aansoeke sluit op 31 Januarie 2023 en die aanstellingsdatum is 1 Maart 2024, of so spoedig moontlik daarna. Stuur aansoeke aan die Voorsitter Kerkraad, Braam Aboud, by e-pos: [elsaaboud@gmail.com](mailto:elsaaboud@gmail.com).

Navrae: Braam Aboud , selnommer 0848840081 (Leier Ouderling)

Gerard Bekker, selnommer 0746993495 ( Voorsitter Bou- en Finanskommissie)

Die Kerkraad behou die reg voor om geen aanstelling te maak uit die aansoeke wat ontvang word nie.